

Ŋwa' wvù Baul to saɲεε ê kentaashe ke Filibi

Fiεε fi nu ê Ŋwa' wvu Filibi wvun e

Ŋwa' wvun to saɲ Baul fô kentaashe ke bonyii bo mbee le ke Filibi le. Wvú nu ê ŋgoo boɲwa' bô wvù to saɲεε yew ncaw e Lum. Fiεε fi to gee é Baul se saɲ ŋwa' wvun to nu keeduɲce le wen nu ε yɛn bigew bì kentaashe ke Filibi kedvu to tumεε. Ekufe ke diɛw Baul e ê ŋwa' wvun e nu le, “Fô me le, é me nu dvú, tu me nu ke bee Klistu, me é ŋkpwe, é enu sew fô me le”. Baul jemyi ekumε bvukuke bvu Tata wesebeene wvù Jisos Klistu le, no wvù to shikeε ekole kew tu diɛwe nfwa le, ε Nyo' mum ke bense wvú, geeε bvudvuu bvù kuuke fele bvu wee tfuu le.

Bikuu bi mwεεm e ê ŋwa' wvun e

1:1-11 Keɲkεwce

1:12-26 Mwεεm mvù kooyi bô Baul

1:27-2:18 Nce wee wvù nu ε taashe bô Klistu

2:19-30 Njeme ekumε Timatio bô Ebaflodaytus

3:1-4:9 Ntefe ekumε bonyii bo bvuban e noo boɲgew

4:10-20 Bonyii bo Filibi nu nsáa Baul

4:21-23 Kemese

¹ Ŋwa' wvun saɲ me wvù Baul bee Timatio bô nu boom bo lemme le bo Klistu Jisos e. Ŋwa' wvun gene fô ben e, bonyii bô nu bo Klistu Jisos e bocii Filibi bô bocee bikuu bi kentaashe ke bonyii bo mbee le noo bonyii bô fici gee dilemme ê kentaashe ke bonyii bo mbee le ente. ² Nyo' Icee wesebeene bô Tata Jisos Klistu ebuw ben bô kembonɛn, ebvuu enya ben bô mvuntelem mvù lætene.

ε Baul nya keyoone ê Nyo' fô bonyii bo Filibi le

³ Me ηke ηkpawci ekume ben sekeci, no nyaa ke ε ε nu keyoone ε Nyo' wem. ⁴ É me ndioo mbunlee bunle yem yicii fô ben e bocii, no mbunlee n'yuuke njoη, ⁵ njefo ε kew yî diuu di fwe le ε to ε buy eben e, nu ε ben ε taashe beene keelemte le saaka wvù jee wvu ekume Jisos Klistu egene fwe. ⁶ Me ηkee naa ntay le Nyo' wvù kewεε lemme di jee din yî yene le nu ke egen dvú fwe egen emese diuu di Jisos Klistu nu ke ekase eto le. ⁷ Fí nu leη le me enkpawci ekume ben nonen, njefo ben nu fitele fiem, ε beene leeme yî fiεε le fimwaarη ε è nu fí fi Nyo' nu ε buw beene dvú. Beene leeme yî dvú le keseen wvù me nu yî ncaw e, ke no beene to leeme seke me nto mbeε ηghane ntanyi diuw saaka wvù jee wvu ekume Jisos Klistu ηgee ε wvù ciime ntay. ⁸ Me njemyi nen ε Nyo' kee naa ntay le me ηkeηke shiee wene, ηkooηke ben bocii ke leηleη no Klistu Jisos kooηke.

⁹ Me mbunlee le keηkoηen kenεn ekuù gene fwe fwe, é ben ekeηke bvufee, taasse mwεem ntay. ¹⁰ Ben nu dioo taasse nonen, emum ecawte mvù looci nu leη. Nonen, é ke edioo enu diuu di Jisos Klistu kaase too, é ben enu yuule, nu sε nlom. ¹¹ Ben nu ke enu nonen njefo Jisos Klistu nu ε ge ben ε no keηke nce wvu teytey, bonyii ε no yene bensee Nyo', tumte moηkum mew.

ε Baul no nu yî ncaw e, ε saaka wvu ekume Jisos gene ke fwe

¹² Boom bo bwεem e, me ηgomte le ben ekieε le mwεem mvun mvunciim mvù nu ε kooy bô me nu ε looce ε ge saaka wvù jee wvu ekume Jisos ε ku ε gen lo fwe fwe.

1:3 Lum 1:8-10; 1Kol 1:4; 1TES 1:2-3 1:6 2:13; 1:10 1:7 2Kol 7:3; εfε 3:1 1:8 1Kol 16:24; 2Kol 5:14 1:9 Kolo 1:9-10 1:10 Lum 12:2; εfε 5:27; Ibu 5:1; 1Kol 1:8; 2Kol 5:10; Fili 1:6; 2:16 1:11 Jon 15:8; ηem 3:17 1:12 εfε 3:1; 2Tim 2:9

¹³ Mwεem mvudvu nu ε ge bonyii bò cεyte ntw wvun fô me nu, noo bonyii bocii ε kιεε le me nu yî ncaw e fεn nen, nje me nu wee Klistu. ¹⁴ Ncaw wvù me nlemte wvun nu ε bvuu ε ge boom bo bwee wesebeene le nteen ε mese ε lese fitele yî Tata le ε no fewci diεw Nyo' tεmyi lo, yaa fane κε.

¹⁵ Me ηkee le bó bomew fewci naa ekumε Klistu nen bene ε è nu kendorj bee bó, taarjke lemme diem. Geenen ε bomew fewci fibole bô mvuntelem mvù yuule. ¹⁶ Boban fewci nonen, njefo bó kooηke me, ε bó kee lo le me nu yî ncaw e fεn ε è γεke Nyo' me le me entomtè saaka wvù jee wvu ekumε Jisow Klistu. ¹⁷ ε bomew ba fewci ekumε Klistu κε fomvu fomvu bô mvuntelem mvù yiile wvu le bó egeè nonen biise ηγεw yî ηγεw wvù me n'yεne wase yî ncaw e fεn. ¹⁸ Fifie κεηke la keege? Κενεε bó fewci nonen bvulle lo, κενεε bó fewci bô κεεεy, tu me n'yuuke κε fiem ε è nu njoj njefo ficii nu ε bó fewci κε ε è nu ekumε Klistu.

¹⁹ È nu κε no me nu ηke en'yuuke njoj nonen, njefo me ηkee lo le no ben bunlee fô me le, ε Keyoy ke Jisow Klistu le bvuu fii me, nu ε me nu ηke emboy yî ηγεw e. ²⁰ Fieε fi me nlooci ntaale fwe ε me ε nlese bvufee yî dvú le nu le fo me ηke ηγε naa lo fieε fi ege é me η'wuumene κε. Me nu ηjkuu κε ε è nu shém, enleeme ntemyi sekecii, se ge keseen wvu le κενεε me ε ηkpwe, κενεε me nu dvú, é fieε ficii fi me ηgee, ecawsè κε ε è nu diee di Klistu le we. ²¹ Me njemyi nonen nje, fô me le, é me nu dvú, tu me nu κε bee Klistu, me é ηkpwe, é enu sεw fô me le. ²² Geenen, é è nu le me nu enu dvú, é me ηγεε lemme di efii bonyii ntay. No mwεem mvun nu mvunfεem nen, me mbaa embvuu ηjkιεε laa me nu encaw fi la le. ²³ Me ntuwtene lo entelej jodvu. Me ηgomte le è be nulo é me ηγγene fiem ηγγen enu bee Klistu. Fifie jee fele keenu dvú. ²⁴ Geenen, ε fí jee

baay le me enu dvú nje yene. ²⁵ No fí nu nonen, me nlooci naa ñkee le me nu enu dvú nlemte beene bocii wvu le ben ekuù gene fwe bvuu yuuke njoŋ no ben nu ε lese fitele yî Klistu le. ²⁶ Nonen, é me ndioo ε ñkase ε nto ε no nu beene, é ben ebvuu ebensee lo ye ntay ekumε Klistu Jisos nje yem.

Ben eceè nce wvù Jisos Klistu gomte

²⁷ Fieε fi me ñgomte keŋgay nu ke le ben eceè nce ε è nu wvù saaka wvù jee wvu ekumε Klistu gomte. Ben eceè nonen, wvu le keŋεε me ε ñkase ε nto ε n'yen ben e, keŋεε me mbaa nto, é me en'yuuke ke le ben leeme temyi, keŋke fitele fimwaaŋ, nu yî wee le mwaan, diuu yî fieε le fimwaaŋ, wvu le saaka wvù jee wvun egenè fwe, ε bonyii beŋe dvú. ²⁸ Fo ben efanè naa lo bonyii bò bane ben yî saaka wvun e ke. É ben nu se ben fane bó, é fifin eduŋci ê bó le Nyo' nu ke eboyse ben, geenen elese lo bó. ²⁹ Ben ekeè le Nyo' baa buw ben le ben enù bonyii bo Klistu le ke le ben elese ε è nu fitele yî ye le maan ke. Wvú nu ε buw ten le ben eyenè ñgew nje Klistu. ³⁰ Ben nu ε bene wase me le beene ε no diuu yî saaka wvun e bocii wvù ben to yenεε ε me ndiuu yî dvú le, ε è nu ke wvú wvù ben yuuke le me mbeε yî dvú le keseen.

2

Ben ejod kenfewsεn yî Jisos Klistu le

¹ Ke ben nu ε taashe wase ben ε bo Klistu wvú ε ge ben ε no keŋke mvuntelem? Ke keŋkoŋen kew fô ben e nu ε ge wase mvuntelem mvunen ε no yvuwse? Ke ben ε bo Keyoy ke Yuule nu ε taashe wase, ε Klistu keŋke fitele fi jee fô ben e bvuu camte shen fô ben e? ² No fí nu nonen, ben ege le é me emese en'yuw njoŋ. Ben enù diuw mwaan, kooŋkè

bikuu binen, kenkè fitele fimwaaŋ bvuu kenkè ŋkpawwɔe mwaan. ³Fo ben dioo nu ε wee no kpwaake ke ε è nu ekume ekole kew kenεε bensee ye yi εcici ke. Wee tfuu eshike ekole kew, eyenè wee mvu le fele ekole kew. ⁴Fo wee ekpwaakè ke ε è nu ekume ekole kew ke. Wvú ekpwaakè ten ekume bonyii bomew.

⁵Kenge kenεn kenke keenu lenlen ke diewe ke Klistu Jisos e.

⁶Wvú to nu Nyo',

faŋe yaa ejo fifie le è nu fiε fi wvú emey eghemte yî dvú le ke,

⁷geenen, cinε bvudvuu bvudvu le,

jo ε è nu bvu nfa le.

ε bó boo wvú,

ε wvú no nu lenlen ke diewe wee wvu wum e.

⁸Seke wvú to nu wee wvu wum,

ε wvú shike ekole kew no yuuke Nyo' le,

ke bee keekpwe kpwe,

efey mvunciim, kpwe yi yî kentam e.

⁹No wvú to geε nonen, ε Nyo' bense wvú

geε bvudvuu le bvú fele bvú wee tfuu le,

buw wvú bô diee di fele ediee εcii,

¹⁰wvu le wee tfuu wvú nu woŋ wvu we le

bô wvú nu yî nshe le noo wvú nu ekuse jo nshe,

ke dioo ε yuw diee di Jisos e didvu, ŋgvuum,

¹¹é wee tfuu ejemyi bô diuw we le Jisos Klistu nu Cee Ekole.

É bó edioo egee nonen é mbense ege ne ê Nyo' Ice.

Ben ebaà ê woŋ jan diewe jón e

2:3 Lum 12:10; Gal 5:26 2:4 1Kol 10:24 2:5 Jon 13:15; Lum 13:14; 15:5
 2:6 Jon 1:1-2; 17:5; Ibu 1:3 2:7 Jon 1:14; Lum 8:3; 2Kol 8:9; Ibu 2:14, 17
 2:8 Jon 10:17; Ibu 5:8; 12:2 2:9 Lem 2:33; Efε 1:21; Ibu 1:4 2:10
 Yesa 45:23; Jon 5:23; Lum 10:9; Mwm 5:13

¹² Nonen nsáa yem shém, ben eyuukè ke ten Nyo' le nonen no ben to yuuke seke me nto nu beene. Ben eyuukè keseen fele lo wvù me n'yaa nu ke beene, egene fwe gee mwεem mvu ekumε mboyma wene. Ben egeè nonen, fane ciinjke. ¹³ Ben ekeè le è lemte Nyo' yî yene le, gee le ben eshieelè keege mwεem mvù wvú koojke. E è bvuu nyaa wvú mvujgay keege mwεem mvudvu dvú.

¹⁴ Ben díoo gee fiεe ficii fi ben gee, fo ben ewvukenè, kenεε beekè mbew ke, ¹⁵ wvu le ben eyuule, nu se nlom. Nonen, é ben emum enu boom bo Nyo' le bò nu se jay entelej jo εjgokε kin kè kejke mvuntelem mvù yiile, buuke mwεem. Ben ebaà ê woj jan diεwε jón e, ¹⁶ no ben jici * saaka wvù nyaa nshii wvù mey lo ê bonyii le. É ben gee nonen, é ke edíoo enu díuu dí Jisos Klistu kaase too, é me embensee ye le me mbaa nlem lemme di εcici ke.

¹⁷ No ben nu ε lese fitele yî Nyo' le, tu è nu ncese ε ben ε ge fô wvú le. É è cim nu naa le bó nu emεse enya me diεwε no bó ké fuu mbvuum, ebise yî wene ncese le, é me en'yuuke ke ε è nu njor, nlanlanje beene bocii. ¹⁸ E me ηgomte le ben ebene me le é beene eyuuke njor, lanlanje.

E Baul jeme ekumε Timatio bô Ebaflodaytus

¹⁹ É Tata Jisos beje lo, tu me n'yene le è sheke caan é me entum Timatio fô ben e. Wvú nu ke edíoo ε to ε kase ε tu jim, esee ê me no ben nu, é fitele fiem eleeten. ²⁰ Ke me ηkejke wee mvu diεwε wvú le wvù looci naa kejke ten shiee fô ben e diεwε no me ηkejke ke. ²¹ Me njemyi nen, njefo wee nteen kejke shiee ε è nu fô ekole kew e, yaa

2:13 1:6; Jon 15:5; Lum 7:18; 15:18; 1Kol 12:6; 15:10; 2Kol 3:5 **2:15** 1:10; Dito 32:5; Dan 12:3; Mat 5:14; 10:16; 1Kol 1:31; 2Kol 1:14; Gal 2:1-2; Efε 5:8; 1Tes 2:19 * **2:16** kenεε le, "... no ben fewci." **2:17** Lum 15:16; 2Tim 4:6; 1Jon 3:16 **2:18** 3:1; 4:4 **2:19** 1:1 **2:20** Lem 16:2
2:21 2Tim 4:10

taale ke ekume fiεε fi Jisos Klistu gomte le ke. ²² Geenεn, Timatio nu ε ben kee wase wee wvú è nu wvú, no wvú nu ε lem wase bee wvú keefewce saaka wvù jee, ε wvú lemte bee wvú lejlej diewe no wan ké no lemte bô ice. ²³ È nu fiεε fi me n'yene le è sheke caan é me entum ε è nu wvú. Fiεε fi me mbεε ntaale nu keen'yen laa mwεem nu etu nεε le yîyem e le. ²⁴ Me ηγεεle bvufee yî Tata le le è sheke caan, é me keβεε ento ten en'yen ben e.

²⁵ Me n'yene le fi nu shiee le le me enkase enciinse Ebaflodaytus ê ben. Wvú nu waa bwee wesebeene, ε bee wvú lemte bvuu diuu yî diεw Nyo' le. È nu wee wene ntum wvù ben to tumεε le wvú eto etaale fô me le. ²⁶ Wvú se kejke wase shiee keeyen ben e bocii, ε fitele buuke wvú no wvú se yuwεε le ben nu ε yuw le wen cemte lo. ²⁷ È nu keceey, wvú se nu ε looce ε cem ε sheε ke caan keekpwe. Geenεn, Nyo' se nu ε cam shen fô wvú le, ε ke wvú se cam ke ε è nu fô wvú le maarj ke. Wvú nu ε cam ten fô me le le fo wvú ekpwe ebvuu ebise ηgew yî wvù me n'yene wase le ke. ²⁸ Nonεn, me ε mum ε no nshieele naa baay le me enciinse wvú, wvù le ben ebvuu eyen wvú le eyuuke njon, é fitele fiem ten elεtene. ²⁹ Ben efiisen wvú diewe bonyii bo Tata le bô njon. Bonyii diewe wvú le nu bô è nulo é ben ewvumte. ³⁰ Me njemyi nen njefo è to sheke caan tu wvú to kpwe nje lemme di Jisos Klistu le no wvú to nyae ekole kew keetaale fô me le yî bvudvuu bvunen e.

3

Fiεε fi kuuke nu keekieε Klistu

¹ Boom bo bwεem e, keemεese, ben eyuukè njon le ben nu bonyii bo Tata le. Me nu ε nsaj wase mwεem fô ben e, ε ke è nulo é me endose keenjemyi ηkaase ntuu fó ke. Me

ηgee nonen keengemηgeme lo ben. ² Ben dioo nu, no yene ben ε bonyii ba bò gee mwεem mvù befe, leeme ke le bó κηηke ke keesεεyi ye bonyii le bó tfuuse bó yew. * Bonyii bodvu ba nu lo bwé. ³ È nu beene ban bò nu ε κηηke ntfuse yew wvu λη, beene ban bò bunlee Nyo' no Keyoy kew duηci. Beene bensee ye ε è nu nje Klistu Jisos, ke beene leese bvufee yî mwεem mvù è gee bonyii le ke. ⁴ Geenε, è nelo é me ηκηηke ten shiee keenleese bvufee yî mvumwe mwεem e. É wee fen nu dvú wvù kpwaake le wen nulo eκηηke shiee keeleese bvufee yî mvumwe mwεem e, tu me ηκηηke wvù fele wvu mwεten. ⁵ Me nu wee wvu Islael, ê kfuu di Benjamen e, nu wee Ibulu, ε è to boke Bo'ibulu me, ε è ke no nu εdiuw nyan ε bó tfuse me yew. È dioo tu ê keba ke bonci bosese le, nu ε me nto nu wee Falasii, ⁶ ntemyi naa ntay yî fiεε fi Nyo' le, mbone bikaa ê kentaashe ke bonyii bo mbee le ejim. Ê keba ke bonci bosese le no è nulo é wee enu teytey, me nto mbaa ηκηηke jay ke. ⁷ Geenε mwεem mvù me nto nshee n'yene le è nu mwεem mvu sew e fô me le, nu ε me n'yene wase keseen le è nu mwεem mvu εcici, nje fiεε fi Klistu ge fô me le. ⁸ Ke è mεy ke fifie ke, keceey, me n'yene mwεem mvunciim e ε mvú nu lo mwεem mvu εcici fô me le, njefo fiεε fi kuuke fele mwεem mvunciim nu keekieε Tata wem wvù Klistu Jisos ntay. Me nu ε nlan mwεem mvun mvunciim nje ye. Me n'yene wase mvú le ε è nu mwεem mvu nnyen e, wvu le me enù bee Klistu, ⁹ é bee wvú emεse eleyen, enu yî wee le mwaan. Me nu ε Nyo' ε jo wase me le me nu teytey fô wvú le. Wvú jo nonen njefo me nu ε nlese fitele yî Klistu le. Me ε mum ε

3:2 2Kol 11:13 * 3:2 Bó to joo le é bó tfuse wee yew, é wvú se no nu le wen nu wee Nyo', ε è nu no nce Bojuu to nu. 3:3

Lum 2:28-29

3:4 2Kol 11:18, 21

3:5 Luk 1:59; Lum 11:1

3:6 Lem

8:3; 22:4; 26:9-11

3:7 Mat 13:44, 46

3:9 Lum 1:17

no nu teytey no wvú joo bonyii bò nu ε lese fitele yî Klistu le. Ke me mbvuu njoo naa lo le me nu teytey mbii no me nto ηkpawwaci le wee ké no nu seke wvú bii bonci bosese le κε. ¹⁰ Fieε fi me ηgomte keseen nu le me eηkieε Klistu ntay, eηkeηke mvuηgay mvù wvú keηke no wvú to kaseε ebuy yî kpwe le. Me ηgomte ten keen'yen ηgew no wvú to yeηε, bô keenya ekole kem ê kpwe no wvú to nyaε, ¹¹ wvu le Nyo' ke ebvuse ten me yî kpwe le.

Me mbone ηaη ntaale fô me ηgene

¹² Ke me ηgayte nen le me nu ε ηge wase mwεem mvun keηε le me nu ε nfese wase κε. Me mbεε mbone ke ηaη le me ηke enlaη kebo enjice mwεem mvudvu le ê me εbo, ηjefo Klistu Jisos nu ε jo wase me wee we le. ¹³ Boom bo bwεem e, ke me n'yene le me nu ε njice wase mwεem mvudvu le ê me εbo κε. Geenεn fieε fi me ηgee nu le me ndaayi ê mwεem mvù nu ε fey wase le, mbone ηaη le me enjice ε è nu mvù nu fwe le. ¹⁴ Me mbone ηaη ntaale ke ε è nu fó fô me ηgene, keηkeηke mmawce wvù è nu ntee wvù Nyo' nu ε tee me le me emben ento we no me nu ε ntaashe bee Klistu Jisos.

¹⁵ Beene bocii bò nu ε cime wase geη yî Jisos Klistu le keηke keekpwawci mwεem mvun. Geenεn, é ben bomew kpawwaci mvunεn mwεem jεy, tu è nu ke eyuuse wase Nyo' ê ben. ¹⁶ Fieε fi baay nu ke le beene ejici ε è nu fieε fi beene nu ε yeηyi wase le ntay.

¹⁷ Boom bo bwεem e, ben ejod kenfewsεn fô me le, ebvuu etaalè ten nce wvù bonyii bomew cee bò nu ε jo kenfewsεn fô bese le. ¹⁸ Me njemyi nen njefo no me nto ηké no njemyi wase ê ben bokaη e bokaη e, ε mbvuu ε no

3:10 Lum 6:8-11; 2Kol 4:10-11; Lem 4:2; Lum 5:1-7 **3:12** 1Tim 6:12; 2Tim 4:7; Ibu 12:1 **3:14** 1Kol 9:24-25 **3:16** Gal 6:15-16 **3:17** 1Kol 4:16; 1Bi 5:3 **3:18** 1Kol 1:23; Gal 6:12

njemyi keseen bô misem ê jise le bonyii bomew nu dvú bô cee nce wvù dujci le bó bane lo saaka wvù le Klistu to nu ε kpwe yî kentam e. ¹⁹ Boba bonyii nu ε bó nu ke elese lo bó. Wwubo nyo' nu diuwdiee. Bó bensee ye yî mwεem mvù bó bee keewuumene lo yî dvú le. ηkpawwce wwubo nu ke ε è nu yî mwεem mvu fokuse fen e. ²⁰ Beene nu fisεbeene bonyii bo woj wvu we le. ε è nu fó fô beene looci cεyte le Mboyse wesebeene wvù Tata Jisos Klistu nu ke enε sε to. ²¹ Wvú nu ke edioo ε to, ekumen ye yesebeene yi ncewncεw yin é yí etu diewe ye ye yì keηke bvujonke le. Wvú nu ke ekumen ε è nu bô mvungay mwew mvù wvú nu ke ebaance mwεem mvunciim dvú enu ewe jodvu.

4

ε Baul nya ntefe ê bonyii bo mbee le bo Filibi

¹ Nonen boom bo bwεem e, me ηkooηke ben baay mbvuu ηkeηke shiee keen'yen ben e. È nu ben bô gee ε me n'yuuke njon, ε ben bvuu nu kefo kem ke bvunfon e. Nsáa yem, ben emum eleemè ke temyi ben ε bo Tata nonen.

² Me nlεke le εwodia bô Sintiki emεshe fiε fi bó keηke etu diuw mwaanη no bó nu wee bô waa bwee nje Tata. ³ Me ε no ηgayte ten ê wo we wvù looci nu naa wee wem ηgoo le wo efi ke bokene ban é bó etu diuw mwaanη. È nu bonyii ε bó ε katen wase bee bó yî lemme di saaka wvù jee wvu ekumε Jisos Klistu le bô bo Kelemen noo bonyii bomew bô bee bó to lemte. Bonyii ban bocii nu ε ediee εbo nu wase ê ηwa' bonyii bô keηke nshii wvù mey lo le.

⁴ Ben eyuukè njon sekecii no ben nu bonyii bo Tata le. No me ηgay nu ε me mbvuu ηkaase ntuu fó le ben eyuukè

njoŋ. ⁵ Ben edunçì gee di nyεkeey ê wee tfuu, ekumyì le kefew kè Tata nu ke ekase eto nu wase nceencee. ⁶ Fo ben ebuukè naa lo εkume fiεε fimew κε. Ben ebunleè lo fô fiεε ficii le gεele fwe dvu Nyo'. Ben dioo bunlee no biite mwεem mvù ben shieele ê wvú, enyaà keyoone yì mvù wvú gee le. ⁷ É ben gee nonen, é Nyo' emum enya ben nyεkeey we é wvú ecyete mvuntelem bô bvufee bvunen no ben nu bonyii bo Klistu Jisos e. Nyεkeey wvun wvù Nyo' nyaa nu ε κε è nulo é wee ekieε kenfewsen kedvu κε.

⁸ Boom bo bwεem e keemεse, mwεem mvù ben keŋke keekpwawcì nu mwεem mvù nu mvu keceey bô mwεem mvù keŋke n'wvum, noo mwεem mvù nu leŋ. Ben ekpwawcì mwεem ε è nu mvù yuule bô mwεem mvù bonyii ké no koonke noo mwεem mvù sem nulo eta wee dvú. É mwεem nu dvú mvù looci jee, é mwεem nu dvú mvù è nulo é bonyii ebensee, é ben no kpwawcì ε è nu εkume mvumwε. ⁹ Ben egeè mwεem biì κε ε è nu n'yεeyi wvù me nto nyaε ê ben e, kenεε è nu mwεem mvù ben to yuuke lo ê me, kenεε è nu mvù ben to yene lo. Ben nu dioo gee no nen, é Nyo' wvù gee ε mvuntelem mvu bonyii le nu nyεkeey emum enu ben ε bó.

É Baul yuw njoŋ no bonyii bo Filibi dunçi shiee fô wvù le

¹⁰ Tata nu ε ge me ε no n'yuuke njoŋ baay no ben nu ε bvuu ε dunçe shiee wene fô me le κε no ben to shee dunçi. Me ŋkee naa ntay le ben se keŋke κε shiee fô me le, geenen tane ε è nu je. ¹¹ Ke me njemyi nen le me nse ntane fiεε κε. Me nu ε n'yεeyi wase ε ŋkieε keenfiisene mwεem mvunciim. ¹² Me ŋkee no wee ké no nu seke wvù tane, ŋkee no wee ké no nu seke wvù keŋke baay. Me ε mum ε

4:5 1:10; Lum 13:11-12; 1Kol 16:22; Ibu 10:25; JεM 5:8; 1Tεs 5:1-2 4:6
 Mben 37:5; Mat 6:25; 1Bi 5:7 4:7 Jon 14:27; Kolo 3:15 4:8 Lum 12:17-18
 4:9 3:17; 1Kol 13:11 4:11 1Tim 6:6-8; Ibu 13:5

n'yeyi fifin ε ηκίεε no è nulo é me enu sekecii yî mwεem e mvunciim kenεε me nu ε ndie, kenεε me mbaa endie, kenεε me ηκηηke baay kenεε me ntane lo. ¹³ Me ηkee keηγε mwεem mvun mvunciim nen, ε è nu bô mvuηgay mvù Klistu nyaa ê me le.

¹⁴ Geenen, no me nciim ηgayte nen, ben nu ε ge naa ntay keefi me yî kefew ke ηgew wem e kin e. ¹⁵ Ben bonyii bo Filibi kee lo le è to nu seke me nto nen'yεε woη wene le Masedonia no me nto ηκewεε keenfewci saaka wvù jee wvun ê ben, ke kentaashe ke bonyii bo mbee le kemew to nu ε taashe bee bó keetasene can ke. È to mεy ke ben.

¹⁶ È to nu naa seke me nto nu Tesalonika, * ε ben ciinse nfi ê me, bvuu ciinse. ¹⁷ Ke me njemyi nen le me ntaale le ben eciinseè mwεem ê me ke. Me ntaale baay ε è nu mmawce wvù Nyo' nu ke enya ê ben yî fiεε fi ben gee fô me le. ¹⁸ Ben to nu ε tum Ebaflodaytus bô nnya ε wvù to nya ê me. Me ε no nu keseen n'yaa mbvuu ntane fiεε ke. Me nto nu ε nfiisen nnya yidvu yicii, n'yen ε yí duule fele lo no me nshieele. Nnya yin nu ncese ε ben ε ge fô Nyo' le, ε wvù ε fiisen, yí ε no samte shfuuηkene ε wvù kooηke. ¹⁹ Nyo' wem wvù me mbunlee keηke ntfu bvukuke bvucii bvù beene shieele, ε wvù nu ke enya ê ben fiεε ficii fi ben shieele, njefo beene nu bonyii bo Klistu Jisos e. ²⁰ Mbense enù fô Nyo' Icee wesebeene wvun e sekecii se ηka. Fí enù nonen.

ηgayma

²¹ Ben egay bonyii bocii bô è nu bo Klistu Jisos e enya ê me. Boom bo bwee wesebeene le bô nu bee bó fεn gayte

4:13 2Kol 12:9-10 4:15 2Kol 11:8-9 4:16 Lem 17:1 * 4:16
 Tesalonika jan to nu kelaante woη wvù Masedonia le.
 4:17 1Kol 9:11 4:18 2:25; 1εw 1:9, 12-13, 17; 2:2; 3:5

tɛn ben e. ²²Ɛ bonyii bocii bô è nu bo Nyo' le jan gayte ben e, efey mvunciim bô nu ê ntow Kaysa le fɛn.

²³Tata Jisos Klistu ebuw ben bô kembonen kew é kí efici biyoy binen. Fí enù nonen.

Ŋwa' Nyo' Moŋkan mo Monfɛm New Testament in Noone (CM:nhu:Noone)

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30
